

YOSHLAR OVOZI

O'zbekiston yoshlar ittifoqining ijtimoiy-siyosiy, iqtisodiy, adabiy-badiiy gazetasi

» MUNOSABAT

ОРЗУИМ РЎЎБГА ЧИҚДИ

Ҳар гал пойтахтга борганимда Алишер Навоий номидаги Ўзбекистон Миллий кутубхонасига кириб: "Қани энди, Вилоятимизда ҳам шундай замонавий Ва кўркем маскан бўлса", — деган армонли фикр хаёлимдан ўтарди.

Президентимизнинг Сурхондарёга ташрифи чоғида ана шу орзуим рўёбга чиқди.

Термиз шаҳрида адаб Собир Термизий номидаги вилоят ахборот-кутубхона маркази ҳамда "Китоб олами" савдо маркази иш фаолиятини бошлади. Бу ерда 233 мингдан зиёд китоб жамланган. Эйтиборлиси, савдо марказидаги 10 мингга яқин китобни интернет тармоғи орқали ҳам сотиб олиш мумкин. Бундан ташқари, Wi-Fi худуд, компьютер хоналари, ўқув ҳамда ҳуқуқий ахборот заллари, "Book safe" ҳам китобсеварларга хизмат кўрсатмоқда. Сурхон ёшлари учун яна бир қувончли янгилик — Юртбошимиз ташаббуси билан вилоятимизда олий таълим муассасалари сони яна иккитага кўпаядиган бўлди. Янги ўқув йилидан Тошкент тиббиёт академияси ҳамда Низомий номи-

даги Тошкент педагогика университетининг Термиз филиаллари ўз фаолиятини бошлади. Бу худудда малакали кадрлар сонини ошириш баробарида ёшларга оиласидан олисга кетмай, ўқиб-изланиш имкониятини беради. Умуман олганда, Президентимиз ташрифи вожа тараққиётини янги босқичга кўтарди, десам муболағга бўлмайди. Ўйлайманки, яқин йилларда вилоятимиз янгича қиёфа касб этади. Шавкат Мирзиёевнинг Қизилқум туманидаги вилоят фаоллари билан учрашувидан сўнг шундай хулосага келдим. Учрашувда давлатимиз раҳбари шу чоққача бартараф этилмаган камчиликлар ҳақида рўй-рост гапирди. "Қани айтинлар-чи, халқ нимдани истаяпти? Нима муаммонгиз

бор?" — деб фаолларга юзланди. Видеомулоқот тарзида ўтган йиғилишда иштирокчилар тилга олган муаммоларга Президентимиз ўша жойнинг ўзидаёқ ечим топиб бергани одамларни янада қувонтирди. Йиғилишда мен ҳам иштирок этдим. Яқинда Юртбошимиз ҳар биримиз билан қўл бериб хайрлашди. Ўша вақтда зиммамга катта ишонч ва масъулият юкланганини ҳис қилдим. Инчунин, энди Сурхон аҳлининг ҳар куни бунёдкорлик, эзгулик ишлари билан ўтиши кераклигини, муҳими, халқимизга наф келтирадиган амалларни бажаришимиз лозимлигини англадим.

Наргиза ҚОРАБОЕВА,
Ўзбекистон ёшлар
иттifoқи Сурхондарё
вилояти кенгаши
бўлими мудири

ЁШ ФЕРМЕРЛАР ЭКСПОРТНИ ЙЎЛГА ҚЎЙМОҚЧИ

Фарғонада "Экологик тоза маҳсулотлар билан жаҳон бозорига" мавзусига илмий-амалий семинар бўлиб ўтди. Ўзбекистон ёшлар иттифоқи, Ўзбекистон ёш фермерлари кенгаши ҳамда Фарғона Вилояти ҳокимлиги ҳамкорлигида ташкил этилган анжуманда Андижон, Наманган Ва Фарғона Вилоятларидан ёш фермерлар, қишлоқ хўжалиги мутахассислари Ва ёшлар иштирок этди.



Юртимизда етиштирилаётган мева-сабзавот, узум ва полиз маҳсулотлари сархил ва хуштаъмлиги, энг муҳими, фойдали ва тўйимлиги билан жаҳон бозорига харидоригир. Шунинг учун ҳам саховатли заманимизда етиштириладиган мева-сабзавотлар юқори нуфузга эга бўлган товар белгисига айланиб, хорижда юксак рақобатбардошлиги билан ажралиб туради. Ўтган йили

биргина Фарғона вилоятининг ўзида 138 миллион 462 минг долларлик 185 минг тоннадан зиёд мева-сабзавот экспорт қилингани ҳам буни яққол кўрсатиб турибди. Фарғона туманидаги "Оқ тулпор" фермер хўжалиги 800 минг долларлик маҳсулот экспорт қилиб, яратилган имтиёз ва имкониятлардан самарали фойдаланмоқда. Аяни кунларда ўзбек бренди

асосида жаҳон бозорига экспорт қилишнинг самарали тизимини яратиш, ёш фермер ва тадбиркорларни бу каби ишларга жалб этиш, улар сафини янада кенгайтириш муҳим вазифалардан биридир. Мазкур илмий-амалий семинарда ана шу жиҳатларга алоҳида эътибор қаратилди. — Мамлакатимизда етиштирилаётган органик-экологик тоза маҳсулотлар-

га жаҳон бозорига қизиқиш тобора ортмоқда, — дейди Қувасой шаҳридаги "Файз Гулбаҳор обод" фермер хўжалиги раҳбари Шаҳбоз Ҳожираҳматов. — Хўжалигимизда ҳам замонавий технологиялар асосида мева-сабзавот етиштиришни йўлга қўймоқдамиз. Бугунги семинарда олимлар ва қишлоқ хўжалиги мутахассислари маҳсулот етиштириш ва уни экспорт

қилиш борасида қимматли маслаҳатлар берди. Очиқ мулоқот тарзида ташкил этилган тадбирда мутахассисларнинг маърузалари тингланди, иштирокчилар фикр алмашди. Ёш фермерларнинг бу борадаги муаммоларига ечим топиш юзасидан "Йул харитаси" ишлаб чиқиши белгиланди.

М.СУЛАЙМОНОВ,
ЎЗА мухбири

» TANLOV

ФАҚАТ ҚИЗЛАР УЧУН

Ўзбекистонда дунёнинг 160 мамлакатини қамраб олган "Technovation Challenge" дастурининг ilk лойиҳаси амалга оширилди.

"Technovation Uzbekistan Launch Week – 2018" деб номланган кенг қўламли тадбир Тошкент шаҳридаги Инҳа университетидея ўтказилди. "Technovation Challenge" фақат қизлар учун мўлжалланган аънавий халқаро мусобақадир. Ўзбекистон вакиллари унда иккинчи дафъа иштирок этмоқда. Лойиҳанинг бош мақсади ёшларни ахборот-коммуникация технологиялари соҳасига қизиқтириш, шу йўналишда тадбиркорлик фаолиятини бошлашга ундашдан иборат. "Technovation Uzbekistan Launch Week" жорий йилги танловда қатнашиш истагини билдирган қизлар, уларга устозлик қилувчи мутахассислар, шунингдек, ҳамкор ташкилотларни бир даврага жамлади. Беш кун давомида IT соҳаси билимдонларидан иборат спикерлар

ўз тақдирларини ўтказди, шунингдек, иштирокчи жамоаларга "Technovation Challenge" мусобақасининг тартиб-қоидалари батафсил тушунтирилди. Ҳафталик дастуридан кундузги ва кечки сессиялар шаклида бир қанча семинарлар ҳамда маҳорат дарслари ҳам ўрин олган. Шу аснода қизлар веб-дизайн, ижтимоий тадбиркорлик, жамоани шакллантириш, маркетинг асослари ва бошқа амалий соҳалар бўйича зарур билимларга эга бўлди. Яқинда ҳар бир жамоага "уйга вазифа" — бизнес стартап лойиҳасини яратиш топширилди. Тайёр ишланмаларнинг барча ҳудудларида тақдироти ҳафта охирига режалаштирилган. Ҳар қайси лойиҳа юзасидан "устоз" (ментор) ва экспертлар ўз хулосаларини айтиб, керакли ўринда, маслаҳатларини беради. Дарвоқе, "Technovation

Uzbekistan Launch Week – 2018" доирасида жамоа менторлари учун "устозлар тренинги"ни ташкил этиш ҳам кўзда тутилган. Ҳатто қизларнинг ота-оналари учун ҳам тренинг машғулотли ўтказилиб, STEM-таълим (фан, технологиялар, муҳандислик ва математик билимлар жамланмаси)нинг афзалликлари, шу билан бирга, Инҳа ҳамда Тошкент ахборот технологиялари университетидея таълим имкониятлари очиб берилди. Қайд этиш керак, жорий йилда "Technovation Challenge" дастури мамлакатимизнинг барча ҳудудларида амалга оширилди. Иштирокчилар учун махсус сессиялар онлайн тарзда ўтилади. Яқиний босқич ва танлов фойдаларини тақдирлаш май ойининг урталарига мўлжалланган.

Роҳатой ҚОДИРОВА

» JARAYON

МУАММОЛАР ЖОЙИДА ҲАЛ ЭТИЛДИ

Ўзбекистон Республикаси Президентининг Давлат маслаҳатчиси – Ёшлар иттифоқи Марказий Кенгаши раиси Қаҳрамон Қуранбаев Андижон Вилоятининг бир қанча туманларида бўлиб, таълим муассасаларидаги бошланғич ташкилотлар фаолиятини ўрганди, ёшлар етакчилари, "Камалак" болалар ташкилотли сардорлари билан очиқ мулоқот қилди.

Ёшлар етакчиси Жалақудуқ педагогика ижтимоий-иқтисодиёт касб-хунара коллежида Ўзбекистон ёшлар иттифоқи туман кенгаши учун ажратилган хоналарни кўздан кечирди. 26-умумтаълим мактабининг истеъодли ёшлар йўналиши сардори Гулираёно Турдиевага кенгаш қошида каштачилик ва расомчи

тўғрақларини очгани учун замонавий телевизор совға қилди. Эътиборлиси, келгусида мазкур тўғрақ фаолиятини янада кенгайтириш учун 10 миллион сўм маблағ ҳам ажратилди. Қ.Қуранбаев Жалақудуқнинг барча таълим муассасаларида Иттифоқ ва "Камалак" бурчаклари ўзбек ва рус тилларида ташкил этилганини кўриб, ушбу

тажрибани қолган худудларда ҳам татбиқ этиш лозимлигини қайд этди. Шунингдек, тумандаги фаол ёшлар Сурхондарё вилоятида очилган "Амударё" болалар соғломлаштириш оромгоҳида дам олиши учун юзта бепул йўланма бериш, Жалақудуқ тумани кенгаши фаолларини Бухоро вилоятига тажриба алмашиш учун

юборилётган делегация таркибига қўшиш бўйича топшириқлар берди. Қ.Қуранбаев Хўжаобод тумани сардорлар кенгаши аъзолари билан очиқ мулоқот ўтказди. Уларнинг истагига қўра тез орада кенгаш компьютер жамланмаси, уяли алоқа воситалари билан таъминланади ҳамда ёшлар кўчма кутубхонаси ташкил

этиш учун 200 та китоб ажратилди. Шу билан бирга, Давлат маслаҳатчиси Хўжаобод туманини комплекс ижтимоий-иқтисодий ривожлантириш бўйича ташкил этилган секторлар раҳбарлигига ёшлар етакчилари билан ҳамкорликда ишлаш, бу борада аниқланган муаммоларни бартараф этиш бўйича курсатмалар берди.

Сафар давомида Иттифоқнинг Олтинқул тумани кенгаши фаолияти ҳам танқидий-таҳлилий ўрганилди. Туман кенгаши ходимлари, ёшлар етакчилари ва сардорларга алоҳида хоналар ажратилиши, уларни тўлиқ жиҳозлаш, кенгаш биносидея деворий кўرғазма воситалари (баннерлар)ни қайта ўзгартириш вазифаси топширилди. Яқинда Ёшлар етакчиси Шаҳрихон туманида бўлиб, бу ерда аниқланган камчиликларни бартараф этиш юзасидан зарур курсатмалар берди.

Абдуҷалил АБДУРАҲИМОВ

ХАВҲРСИЗЛИК
ТАЪМИНЛАНАДИ

2

«ЖАСОРАТ» ЖИНОЯТ
БИЛАН КУРАШМОҚДА

3

